



0335CH11

बेसादफोर बानायनाय



नों दै दोनथुमनो थाखाय दोखौ नुबाय एबा बाहायबाय जानांगौ। नों न'आव आरो गावनि सोरगिदिं गुल्लक (पिगी बैंक), दाव दुगैया, काप (कुल्हड़) आरो बेबादि गोबां मुवाफोरखौबो नुबाय।


नों माब्लाबा सानदों नामा?

- बेफोर बेसादफोरा माजों बानायजानाय?
- बिसोरखौ सोर बानायदों आरो माबोरै?



सासे कुमारनि नखर

लैथो सेरनि मोनसे सोहोराव मिनिआ गावनि अप्पुपान (बिबौ) खौ दोफोर बानायनायखौ नायदोंमोन। बियो हामा लायो आरो सिदोब खालामोमोन। बियो गावनि गोनांथिखौ दिदोमथि खालामनो थाखाय थोजासे दै होगोन। बिनि उनाव बियो बेखौ मोजाडै सुयो। बियो बेखौ थि खालामदोंमोन दि हाब्रुआ बांद्राय दै गोनां नडा आरो गोरानबो नडा। बियो बेखौ थि खालामदोंमोन दि हामा बांद्राय दै गोनां नडाबा बांद्राय गोरानबो नडा। बियो हानि गुन्दैखौ गुन्दै बायदि गुन्दै खालामो। जोबनायाव, बियो मोनसे अन्थाइनि साखा सायाव हामा दोनो आरो बेखौ फिदिंनानै महर होयो।



जेब्ला दोफोरआ रानलाडो, अब्ला अम्मु (बिमा) आ बेफोरखौ मोनसे गिदिर अभेननि सिडाव खामनाय जोबोद गुदु अराव दोनो। सासे कुमारनि अभेनखौ 'भाटिया' बुनाय जायो। बे दोखौ अरआव सावनाय जायोमोन। अब्ला दोआ बाहायनायनि थाखाय थियारि जागोन। आप्पुपन, आम्मु आरो नखरनि गुबुन

सोद्रोमाफोरा दोआव माखासे महर बानायदोंमोन जायजों दोखौ आरोबाव समायनासिन नुनो मोनो। दोफोराव माखासे महर बानायदोंमोन।



सावराय

- दोफोरखौ मानि थाखाय बाहायनाय जायो?
- हानि दो दाग्राफोरा गुबुन मा रोखोमनि बेसादफोर बानायो?
- बे दोखौ मानो भाटायव बेक खालामनाय जायो?



हाबा-फारि

1

- नोंनि नसुंसेनि सासे कुमारखौ नोंनि बिमा-बिफा एबा नख'रनि गेदेरफोरजों लोगो हमहै।
- नोजोर हो दि कुमारा अन्थाइनि साखा एबा हानि साखायाव माबोरै खामानि मावो।
- नों सानदों नामा दि हाब्रुआ गिदिनाय साखायाव माबोरै समायना महर लायो?
- नों न'आव हानि कुमारजों बानायनाय बबे दिहुनजानाय बेसादखौ बाहायो?
- गाहायाव होनाय बक्साव कुमारनि जायगायाव नों नुनाय माखासे दिहुनजानाय बेसादफोरखौ बो।



मिनिआ हानि साखाखौ बाहायनो थाखाय
जोबोद उन्दैमोन । नाथाय बियो गावनि बिबौखौ
दोफोराव महर बानायनायाव आरो बेफोरखौ गाब
होनायाव मदद होदोमोन । बिनि मोजां मोनसिन्नाय
हाब्रुनि बेसादआ पिगि बेंकमोन । बियो बेयाव
समायना महर सोरजिनो मोजां मोनो । बिनि उनाव
बियो बेखौ रां बासायनो थाखाय बाहायदोमोन ।
नों नौनि बिमा-बिफा आरो बिबै-बिबौखौ मा
लामाजों मदद खालामो ?



हाबा-फारि

2

गावनि हाब्रुखौ गावनो बानाय

(बे हाबाखौ गेदेरफोरनि हेफाजाबाव खालाम)





- गिसि एबा हाब्रु गोनां जायगाफोरनिफ्राय हा बुथुम ।
- जायखिजाया गिदिर अन्थाइ सेरेब एबा अन्थाइ, बाला, बिलाइ एबा बिफां-लाइफांनि माखासे बाहागोफोरखौ जे एबा सालिग्रा बाहायनानै बोखार ।
- बे हाखौ दैजों बुंफबनाय मोनसे दाब्ले आइजेंआव दोन ।
- साननैसोनि उनाव, गोजौआव थानाय दैखौ गारहर ।
- दानिया बेबादि गुन्दै बानाय जायखौ नों मोनसे दुलुर महर होनो हायो ।

नों बानायनाय हाब्रुजों नौनि मोजां
मोन्नय जायखिजाया मोन्नै बेसादखौ बानाय ।
बेखौ राननो थाखाय सान्दुडाव दोन ।







सावगारिफोरखौ अनजिमा होनानै थार फारियाव साजाय 1 निफ्राय 5 सिम ।



मिथिंगानि महरफोर

मिथिंगायाव जेरावबो महरफोर मोन्नो हायो, बियो मासे लख्रानि दागो एबा लावखारनि दागोफोर। गोबां आरिमुगिरिफोर जाय दोफोराव सावगारि आखियो, बिसोर मिथिंगानिफ्राय गावसोरनि आरिमुनि सानसिफोर मोनो। मिथिंगानि महरफोर आरो गावफोरखौ बाहायनानै महरफोरखौ दानो हायो।

नों नोंनि सोरगिदिं बिफां-लाइफां आरो जिब-जुनारफोरनि महरफोरखौ नुबाय जानांगौ। बिदिन्धि बायदियै, जुदि नों बिफांनि दालायफोराव बिलाइफोरखौ नोजोर होयो, अब्ला नों मोनसे महर मोनगोन। बेबायदिनो, माखासे जुनारफोर जेरै दावराय, मावजि, मोसा, सिखिरि, ना बायदि बायदियावबो महरफोर नुनो मोनो।






हाबा-फारि

4

गाहायाव जाफ्लेबाय थानाय महरफोर आरो सारिफोरजों माखासे महरफोर होनाय जाबाय ।

बिफां-लाइफांफोरनि महरफोरखौ नाय ।

होनाय बक्साव बिलाइनि जायखिजाया महरखौ बो । गावनि मोनसे बिदिन्थि हो ।




जिब-जुनारफोरनि महरनि थाखाय सोरगिदिं नाय ।

मोनसे जुनार आखि जायहा होनाय बक्साव महर दं ।




बेसादफोरनि महरफोरखौ नाय ।

बक्सआव मोनसे महर बो ।




होनाय बेसादफोरखौ महरजों साजाय ।



भारतारि हानि दो-दोखोलफोराव महरफोर

बेफोर भारतनि गुबुन-गुबुन ओनसोलनिफ्राय हानि दोन्थुमनायनि माखासे समायना महर ।
जायफोराव महर दं बेफोरखौ टिक खालाम ।



दासिम, नों हाजों बानायनाय दोफोरजों सिनायथि जाबाय । फै जों इथानि सोमोन्दै फरायनि ।


इथाजों इथा



- नों इथाफोरखौ बबेहाय नुदों ?
- नों माब्लाबा नुफेरबाय नामा माबोरै इथा बानायनाय जायो ?


इथाफोराबो हाब्रुजों बानायनाय जायो जेरै आपपानआ बानायनाय दोफोर बायदि ।

नों नुबाय जानांगौ इदलि, केक, ध'कला एबा कुल्पि मलडफोर । बेबायदिनो, इथाफोरखौबो बिसोरनि महर होनो थाखाय 'मलड' आव थियारि खालामनाय जायो । भाटायव बेक खालामखांनायनि उनाव गंसे इथाया गोरा जायो । न', फरायसालि आरो देहा फाहामसालिफोर बायदि बिलडिंफोर लुनायाव इथा बाहायनाय जायो ।



रहन आरो बिनि बिफाया जयपुराव थायो । रहनआ न'फोर लुनायखौ नायनो मोजां मोनो । बियो गोमोयो दि माबोरै बिनि बिफा आरो बिनि लोगो-मावथिफोरा बेबादि गोजौ आरो समायना बिलडिंफोरखौ लुनो हायो ।

रहननि मोजां मोनजासिन्नाय रंजानाया इथानि इनजुरफोरखौ लुनाय नायनाय । बियो मोनसे थि इनजुर लुनायखौ नायगासिनो दंमोन ।




सानफ्रोमबो बारलानायजों लोगोसे, रहनआ नुदोंमोन दि इथा-इथाजों इन्जुरा आबुं जाबायमोन । माखासे दाननि उनाव, रहनआ नुदोंमोन दि बेयो मोनसे गिदिर बिल्डिं जाबाय ।





सावराय

- गासैबो न'फोरा इथाजों बानायनाय नामा ?
- नों मा सानो न' लुनो थाखाय बाहाय जानाय गुबुन मुवाफोरा मा ?



जान हादारांनं मोखासे गुदु ओनसोलफोराव, सुबुंफोरा सिडाव गुसु लाखिनो थाखाय दोरोडारि हानि न' बानायो। मानसिफोरा गांसो आरो दंफां बायदि मिथिंगायारि बेसादफोर बाहायो। सिमेन्टनि सोलायै, गोबां सुबुंफोरा गोरलै इनजुर आरो थालाफोर बानायनो थाखाय गोबोरखौ बाहायो। मोसौनि गोबोरआ दुंनायखौ होबथायो आरो एम्फौ-एनलाफोरखौ न'आव हाबनायनिफ्राय होबथायो।



लिर

1. नों मानो सानो हानि न'फोरा आबहावानि थाखाय साबसिन ?

2. नोंनि नसुंसेनि न'फोरखौ नाय। न'फोरा मार्जों बानायजानाय ?









हाबा-फारि

5

गाहायाव होनाय सावगारिफोरखौ नाय। मोनफ्रोमबो रोखोमनि न'नि मुंखौ सान। बेखौ गाहायाव होनाय फारिलाइयाव आबुं खालाम।

न'फोरनि सावगारिफोर	बे रोखोमनि न'खौ मा बुंनाय जायो?	बे न'फोरा माजों बानायजानाय?
		
		
		
		







हाबा-फारि

6

इन्जुर बानाय

सलाय खाथिनि मल्ड, फिसा लेखा बिलाइनि बक्स, हाब्रु एबा आटा बाहायनानै माखासे इथा बानाय। सावगारि आखिनायाव दिन्थिनाय बे मोन्नै साजायनायाव बेफोरखौ स्टेक खालाम।

- बबे मोनसेया गोरसिन?
- जेब्ला नारख्लायनाय जायो अब्ला बबे मोनसेया गो



गिबियाव रैखाथि

र'हननि बिफाया खामानि मावनाय समाव गासैबो गोनांथार रैखाथि नेमफोरखौ फालियो। बिदिन्थि मह्रै, बियो जेब्लाबो स्ट्रेप हेलमेट, रैखाथि जेकेट आरो गोख्रों जुता गानो।



सावराय

- न'आव माबाफोर रैखाथिनि नेम दं नामा?
- नोंहा फरायसालियाव माबाफोर रैखाथिनि नेम दं नामा?



फै जों रिफ्लेक्ट खालामनि ।

क. लिर

1. दो बानायनायनि बिखान्थिया मा ?
2. आरिमुगिरिफोरा गावसोरनि आरिमुनि थाखाय माबोरै सानसि मोनो ?
3. भाटाया मा ?
4. न'फोरा मार्जों बानायजानाय ?
5. नों इउटिउबाव बैफोर भिडिय'बो मोन्नो हागोन जाय मुवाफोर बानायनायनि फारिखान्थिखौ दिन्थियो ।
थाखोफोरखौ जेसेबां हायो एसेबां गुवारै लिर ।

ख. जायखिजाया मोनथाम गुबुन-गुबुन रोखोमनि न'फोरखौ आखिनानै गाब हो ।

ग. सावराय

1. जोंहा मानो गुबुन गुबुन रोखोमनि न' दं ?
2. लुनाय जायगाफोराव मानसिफोरा मानो हेलमेट गानो ?
3. मिथिंगायाव महर गैयाब्ला मा जागोन ?

घ. मोगा-मोगि

1. नोंनि जायगायाव शिल्प एबा फुथुलाफोर बानायग्रा सोरबा सासेजों मोगा-मोगि जा । थाखोआव फोरमायथिखौ सेयार खालाम ।
2. माखासे सरासनस्रायै बाहायजानाय बेसादफोर जेरै पेन्सिल, इरेजार, पेन आरो नटबुकफोरखौ माबोरै बानायनाय जायो बेखौ नागिर । नोंनि गेदेरफोरनाव सों ।





नों मिनथिगौ ?

नों नोंनि सोहोर एबा नोगोराव माबाफोर मुसुखाफोर नुदों नामा ?



नों मिनथिगौ ना बे मुसुखाफोराबो बै हाब्रुजोंनो बानायनाय नामा जायखौ दो आरो इथा बानायनायाव बाहायनाय जायो ?

